

中山傳信錄

中山傳信錄卷第六

風俗

屋舍

米廩

器具

女集

錢
女飾

舟

轎

馬

弓箭

月令

土產

字母

琉球語

中山傳信錄卷第六

冊封琉球國王副使 賜正一品麒麟服翰林院編修加二級臣徐葆光纂


風俗

中山風俗已見前錄茲役久淹見聞尤覈畧爲詮次以備採風

正月十六日男婦俱拜墓 女子於歲初皆擊毬爲戲又有板舞戲橫巨板於木椿上兩頭下空二三尺許二女對立板上一起一落就勢躍起五六尺許不傾跌欹側也

板舞圖

卷之二



二月麥穗祭國中同日祭麥神此日婦女不作女紅

男不事田野

麥穀四祭皆同

二月十二日花朝前二日各家俱浚井女汲取井水洗額云可免疾病

三月三日上巳家作艾糕相餉遺官民皆海濱禊飲又拜節相往來此月中同日又祭麥神謂之大祭

五月五日競渡龍舟三

泊一那霸久米一

一日至五日角

黍蒲酒同中國亦拜節此月稻穗祭選吉同日祭

稻神此祭未行稻雖登場不敢入家明夏冊使子陽

使錄云國中神有女王者王宗姊妹之屬世由神選以相代五穀成時女王渡海至姑達佳山採其穀穗成熟者嚼之各處乃敢穫若未嘗先穫者食之卽斃故田間絕無盜採者

六月稻大祭選吉同日祭稻神 又有六月節國中蒸糯米爲飯家家相餉此日亦不作女紅不事田野同上四祭日 此月有月之夜士民皆拔河爭勝七月十五日盆祭祀先預於十三日夜家家列火炬二於大門外以迎祖神十五日盆祭後送神

八月家家拜月明夏子陽使錄云俗有待月之願凡
月初三十八二十三夜皆修吉菓拜待初三夜焚香
對月拜十八夜焚香立待待升明而拜拜畢乃敢坐
二十三日焚香坐待待月出則拜謂可益壽延禧

白露爲八月節先後三日男女皆閉戶不事事名守
天孫此數日內如有角口等諸事故必犯蛇傷國中
蛇九月出傷人立斃 同日蒸糯米交赤小豆爲飯
相餉

十二月逢庚子庚申日通國皆作糯米糕櫻葉包裹

三四層和糖蒸食相餉名曰鬼糕俗傳古有鬼出作此祭之亦驅儼禳疫之意二十四日送竈次年正月初五日始迎竈

每月朔望家家婦女取甌罌至砲臺汲新潮水歸獻竈神或獻天妃前石神

正三五九此四月國人名爲吉月婦女相率至沿海雪崎洞中拜水神祈福

官民家有人渡海者斫木爲小舟長尺許檣帆俱備着竿首立庭中候風以卜歸信歸卽撒之

凡許愿皆以石爲神凡神嶽叢祠之所皆有巨石數處離立設香爐炷香燭於前燒酒設牲菓酬愿皆就石獻供不設神像也舊錄有女王女君辨天戈六臂神之類蓋卽君君祝祝開國諸神傳久異辭不盡覈也女巫爲人祈疾者曼聲唄誦徹夜無鼓樂

通國平民死皆火葬官宦有力之家先用生葬踰時

昇出仍用火葬

前使錄云以中元前後日浴屍于溪水三四五年後以水入穴潑屍去腐

肉收骨入甕藏石坎中歲時祭掃啓視之

棺製圓如木龕高三尺許溫水洗膝蓋屈足趺殮

墓皆穴山爲之旣窆壘以石貴家則磨石方整亦建拜臺墓門遠望如橋門更有穴山葬在層崖之上者掃墓不設牲菜用木盤炷香菓挂蕉扇設三板於墓側或折花供墓前

男女食皆不同器各設具別食食餘棄之與客會飲不各設具一栢傳飲筯一雙着盞間同用今其貴官對客亦效中國同器分筯飲食或其居常尚仍舊俗耳夏子陽錄云居官言事必具酒二壺至其家跪而酌之酌畢告以所事云

剃頂髮

前明琉球人皆不剃髮惟不用網巾萬曆中冊使謝行人杰聞之長樂人母舅某從行攜網巾數百事至無可售謝使遲冊封禮久不行云本國旣服中華冠帶冊封日如陪臣有一不網巾者冊事不舉琉人競市一空福建至今相謔強市者則云琉球人戴網巾也至 本朝始剃頂髮自國王以下皆遵時制留外髮一圍縮小髻於頂之正中首里與久米人皆無異夏子陽錄云首里人髻居偏久米人髻居中今不然


也剪唇上髭令齊者間有之

五官正

國中惟三種人皆剃髮如僧一爲醫官名曰五官正
一爲王宮執茶役者名曰宗叟又名御茶湯六人又
有司灌園六人皆全剃髮戴黑色六稜幔頂寬簷帽
名曰片帽衣外多着短掛一領比大衣畧短二三尺
許黑色二種人皆趨役無時櫛髮恐稽時事故皆
使從徑省云

屋宇圖





屋舍

作屋皆不甚高以避海風去地必三四尺許以避地濕民間作屋每一間瓦脊四出如亭子樣瓦如中國銅瓦極堅厚非此不能禦颶故也 無磚牆每屋四旁皆夾設板爲壁庭院中圍牆及外圍牆則用蠟石壘成首里大家外圍牆磨削一面如切成極堅整無磚地多用板閣高三四尺許

門窗皆無戶樞上下限皆刻雙溝道設門扇其中左右推移以爲啓閉 室中以席裹草厚寸許緣以青

布布滿室中入室必脫三板故名脚踏縣自王宮以至民間皆然

屋宇在那霸所見者皆村中民居首里所見官戚大家牆垣棟宇皆極華整然亦一行作屋分內外無層構複室也

惟官署始連楹八九作大屋每屋一間柱礎多至二十餘所屋用檜木作梁柱堅潤細理千年不蠹一名羅漢杉大島奇界所出尤良價亦甚貴作屋一間費至五百金故久米大夫家從宦有年尚多結茅者

首里大家皆以此造屋鋪地久之光潤可鑑

壁旣用板無粉墁牆多用研花重粉箋或白色或白
地綠花者糊之

竹簾極麤以細竹全幹編之挂屋簷四周

屋中畫軸皆短小不過四五尺屋小故也若首里貴
家長與中國畫軸無異

屏幅字或用四扇例先書一大字於首如春夏秋冬
仁義禮智之類下綴詩語三四行亦不必與大字相
應



屋中開軒多旁向或東或西庭院中設小山石樹黃楊烏木檜松之類必剪束整齊或方或圓層層有致茸草如茵極細軟柔結寸許連土不散布滿山上下或置小石池畜魚其中中立小石石上植鐵蕉等小木爲玩

村逕皆極寬潔多編細葉小竹作屏籬剪葉令齊方整縝密村落皆是寺院前或列植黃楊剪束就方葉密如牆數十步許又有樹葉如冬青六七月生小白花香如梔子極芬烈土名十里香亦截作籬屏將至

王宮夾道數里

米廩

藏米廩亦懸地四五尺遠望如草亭下施十六柱柱間空處可通人行上爲版閣官倉皆如此村民或數家共爲一亭藏米其中分日守望





器皿

室中皆席地坐無椅桌之用飲食諸具皆低小以便用其與中土異製者圖之如左



槃

凡飲食置碗之具如古俎豆槃器或方或圓皆著脚高五六寸許食羅數具於前





烟架

烟架一奩中火爐一唾壺一烟盆一室中置數具人
前各置一具王宮製用甚精飭





棋枰

棋局高尺許脚二三寸面厚七八寸極堅重使不傾
側黑子磨鰲石爲之白子磨螺蛤頂骨爲之人皆善
奕謂之悟棋下時不用四角黑白勢子局終數空眼
多少以定虧贏不數實子也亦有象棋





櫥

士夫家有一櫥或朱或黑滲金間采製作甚精郊飲
各攜一具中四器置食物旁置酒壺一盞一筯二諸
具略備民家食櫥或方或圓皆作三四層剝木爲之



爐


水火爐製用輕簡銅面錫裏一置火一置水外作一小木架盛之下二層黑漆奩三四事中藏茗具入茶擔中國王令秀才二人值之客出遊則攜以隨



几



書架

曲隱几仿古式繞身如扇形高一尺許加褥其上隱之書架如鏡架着小座高半尺許席地坐用之



枕

大小套枕中藏數具客至則人授一枕



茶甌

茶托

茶帚

茶甌色黃


無白地者

描青綠花草云出土噶喇其質少麤

無花但作冰紋者出大島

甌上造一小木蓋朱黑漆之下作空心托子製作頗



工茶甌頗大斟茶止二三分用菓一小塊貯匙內此
學中國獻茶法也若國中烹茶法以茶末雜細粉少
許入碗沸水半甌用小竹帚攪數十次起沫滿甌面
爲度以敬客



燈



燭

燭燈木底四方格上寬下窄白紙糊之而空其上施木柄釘柱上雖大風不致滅燭也王宮內所用皆然民間燈多不用燭以木作燈四方糊紙高木座籠油碟其中置地席上 燭如黃蠟而色黑國中有油樹取其子窄油爲之




扇


蕉扇圓者爲日扇男子用之婦人用者缺其傍如缺月狀名月扇



摺疊扇名權子扇卽倭扇也皆單邊無寬邊者麤細不等有絕佳者本國官民冬夏用之橫插大帶間以爲飾又有折腰扇扇骨兩截下合上開僧人所用




團扇以竹爲骨繭紙糊之或青或白灑金作畫有泥
金五華者名玉團扇惟王宮中有之命婦或受賜始
得用之




匠具

斧鑿皆類中國惟鋸用純鐵爲之形如刀下着柄列
齒口端爲用





陶器

瓶罍多類中國其小異者茶具火鑪一二種圖之



釜

炊爨鍋器皆有鐵者製亦頗與中國異或有柄有提處夏使舊錄云多用螺殼炊爨今不爾間以大螺殼烹茶者有之



筆

筆用鹿毛爲之短管比中國筆較短僅長四寸餘竹管似蘆取其輕細管之末有番字小帖筆帽皆有小開處國人作書皆不倚桌或立或坐倒卷紙尾左手箝頓掌中懸腕書之以筆蘸墨則橫筆臥捲之

紙

紙以繭爲之有理堅白者極佳其黃色質鬆者名事宜紙皆切方幅爲用與高麗繭紙正同其質厚者染紫色可爲衣名內用紙有印花者如錦極可愛

耕器

耜犁皆仿中國但減從輕小高田惟仰雨澤下田層
列引泉下漑其江湖通潮者皆鹵不可漑故無桔臯
戽斗諸具

織具

機形坐處窄外寬高一尺五六寸低着脚僅三四寸
許機前立竹竿一下垂引扣下上梭長四寸餘如皂
角形器用輕小席地爲便家家有之縷蕉絲雜紉織
之



漁具

沿海近港所見皆用獨木小舟或釣或施繖網以取
小魚螺蛤蟹蝦石鮓海膽隨潮下上者夜候潮落篝
火取之

樂器

樂器與中國無異箏笛等俱備

無笙

三絃柄比中國短

三寸餘彈撥惟用食指

笛曲有青山曲

卽中國銀絞絲五更

轉也

落雁曲樂平曲

太平歌乃神曲每擊小銅點起

調一人先唱下乃齊聲和之

前使張學禮記云國王遣子壻於從客某所學琴今已失傳國中無琴但有琴譜國王遣那霸官毛光弼於從客福州陳利州處學琴三四月習數曲并請留琴一具從之

女集團






女集 錢 女飾

市易之所舊錄云向在天使館東天妃宮前平地上
 後徙馬市街今市集移在辻山沿海坡上早晚兩集
 市集無男人俱女爲市所市物惟魚蝦番薯豆腐木
 器磁碟陶器木梳草鞞等麤下之物仕宦家多不入
 市

冊封 日曆 行錢



國中 常行 錢



錢文

錢事

市中交易用錢無銀錢無輪廓間有舊錢如鷺眼大磨漫處或有洪武字已絕少今用者如細鐵絲圈一貫不及三四寸許重不逾兩許貫口封一紙扣鈴記之散卽不可用每千值國銀二分二釐明萬曆中蕭崇業夏子陽等錄卽云國中用黑銅錢極輕小千不盈掬凡五貫折銀一錢則其來已久本國稱爲鳩字錢云其平日皆行寬永通寶錢錢背無字或有一文字按日本寬永元年爲前明天啓二年歲在壬戌此日本舊錢也錢模大小亦與前明萬曆錢相埒錢質皆赤銅每百值國銀一錢二分國朝典彙云琉球市用日本錢以十當一爲近是臨時易之使還則復其舊國

中舊有洪武錢永樂十一年又賜永樂錢天順二年

王請照永樂宣德間例所帶貨物以銅錢給賜禮部
寢之 本朝又無賜錢之例故其國少中國錢

婦女小民家簪用玳瑁長尺許倒插髻中翹額上髻
甚鬆前後偏墮疑卽所謂倭墮髻也不穿耳聞國中
大家女亦然無脂粉無首飾珠翠俱廢不用足無所
矯揉或穿半襪或着三板或赤足行沙土中手背皆
有青點五指脊上黑道直貫至甲邊腕上下或方或
圓或髻爲形不等不盡如梅花也女子年十五卽針
刺以墨塗之歲歲增加官戶皆然聞先國王曾欲變


革集衆議以爲古初如此或深意有所禁忌驟改前制不便遂至今仍之過市所見無不盡然

入市貨物無肩擔者大小累重皆戴於首卽大甕束薪皆然登坡下嶺矯首曳袖而行無偏墮者



土妓行市中暑月衣襟上亦用紅絹緣於領掖間以此識別舊錄云良家入市手持尺布以自別今亦間有之

婦人抱小兒者惟一手操小兒腰臂令騎坐左右腰义上所見皆然

太平山船




獨木船



舟

貢舶式畧如福州鳥船船掖施櫓左右各二船長八丈餘寬二丈五六尺前明洪永中皆賜海舟後使臣請自備工料於福州改造今本國舟工亦能自造如式其各島往來通載之船大小皆尖底底板鱗次太平山船加飾欄檻爲異故圖之小船皆剝獨木爲之極輕捷村民漁戶皆用之一舟不勝載則雙使爲用

轎圖




轎

通國惟國王肩輿仿中國式或十六人或八人轎上亭蓋帷幔悉如中國國相法司以下皆兩人肩輿式皆矮小着扛木於轎頂二人前後舁之轎高不踰三尺許席底趺坐遠望如籠櫺然前使汪錄云不知其中有人信然也貴族亦有造作精緻者用羅漢杉木雕鏤銅飾錦邊繪裏紗縠爲蔽而其高下大小則一也

國中無車山谷非所宜也

馬飾圖



馬

馬與中國無異高七八尺者絕少蹠蹠善行山路崎嶇上下沙磧中不見顛蹶此則其所習也上山涉水則馳地既多暖冬草不枯馬終歲食青不識棧豆故雖村戶下貧亦皆畜馬有事則飲用之事過散還村家亦有以馬耕者

鞍制同中國黑漆紅漆不同有極精者鞍前後加紅帕四條分垂左右以爲馬飾

韉與障泥皆從簡畧仕宦者或用紅氍一條

勒口索貴家多用五色相間蕉布全幅入手兩盤垂之尚及馬脇也

鐙以木爲之式如曲杓形一邊着繩繫鞍下空其口以便赤足穿踏或韉皮爲之朱黑漆有極精者

國人騎馬皆不用鞭能騎者縱控令速行否則折樹梢用之下馬卽擲去

宦家女人騎馬擁領蔽面多側坐鞍上兩足共一鐙人控徐行前使汪錄有記今偶見亦有之

長弓短箭

弓長七尺餘卓地高齊屋簷箭比中國箭乃較短一
握許射必卓地執靶時不在正中乃就下窄處扣絃
發矢皆用決拾如古制 發不甚遠舊錄云射二百
步外則未之見



月令

正月

桃夭

碧桃絳桃櫻桃俱於是月開

長春始榮

四季開此月尤盛

蠶豆食新

鶯舌有簧

蛇出於穴

始電

雷乃

發聲

枇杷熟

與中國無異形畧長如棗元旦食新為百果先

二月

木筆書空

海棠紅

棠棣華

春菊有芳

百合麗春花俱於此月開

月橘子紅

月桔一名十里香花六月開子紅累累至此月滿樹

萍始生

田豆收

蟋蟀鳴

蟄龍出於海

三月

栗蘭香

石竹花

玫瑰薔薇藤蘿罌粟俱於此月開

紫蘓

生諸豆畢種

王瓜登於市

麥乃秋

虹始見

四月

梯沽紅

樹高十餘丈花如木筆攢生
萱花金錢花杜若鳳仙皆於此月開

榴葵

鐵錢花開

甘露見於蕉

芭蕉此月始結實名甘露

山丹吐燄

蔗田熟

楊梅亦於此月熟

青瓜出

竹笋抽林

螳螂

生

蜻蜒亦生此月

蜩鳴

鴉養羞

蚯蚓出

螻蛄鳴

鳥鳳來

小鳥名又有鳥名古哈魯亦於此月來

五月

刺牡丹開

右納花

花與秋葵無異木本高三四丈

月橘

花

色白如雪香聞十里

夏菊開

茉莉梔子木蘭俱於此月開

蓮有華

莧菜秀

桃有實

榴亦於此月實

蕪菜生

豇豆出

草

不腐爲螢

鷓母時怒

六月

佛桑燒空

三月開至冬此月尤盛

掛蘭香

蕙亦於此月花

桔梗花

决明開

禾畢登於場

綠豆收

鹿入

水爲魚

沙魚躍岸化爲鹿鹿畏熱以舌咂水亦化爲沙魚

七月

木蘭再芳

海棠玉簪俱於此月開

棉花收

龍眼圓

玄鳥來

燕至此月始來

寒蟬鳴

刀豆出

絲瓜亦於此月出

野

菊秀

如中國青囊生滿田中

毛魚陣於水

此月朔前後五日八月朔前後五日

毛魚排隊成陣他月不然

八月

木芙蓉華

桂亦於此月花

容蕪至

鳥名又有鳥名恨煞亦於此

來月

赤小豆收

九月 梅始華

戊土實

菓名古把梯斯形如青菓而屬閩中亦有之名戊土

八柿紫木霜乃降

海鷹來

國中無鷹此月東北風起自日本飄來

大豆收

麥種下

雷始收聲

或至冬不收聲時有之

田野

畢墾

麻石求子來

鳥名綠翅白脊

蛇為暴

此月蛇出傷人立斃

十月

綠秧出於水

橘實

田豆下種

鐵樹有

花 蛇乃蟄

虹藏不見

松露入土化為菌

松下土中

此月有土菌形如芋松露滴入土中所化色白出牛糞中者灰色不可食

紙鳶升

石

求讀來

鳥名 又有鳥名莫讀史與伊石求子皆於此月來

十一月

水仙開

寒菊花

枸杞紅

蚯蚓鳴

美人蕉紅 野有黃華

如中國蒲公英
開遍山嶺中

大雨時行

十二月 佛手指空 綠鳩至 蟄蟲不俯 蚊不

收聲 無冰

物產

中山氣候多暖少寒無冰霜雪希降草木常青土
產所有同中國者祇標其名異產則詳其形狀花
卉并記其開時如後

穀則六穀咸備米六種麥三種菽有綠豆赤豆黑豆
白豆大豆小豆大豆卽中國黃豆毛莢七八月生田

中所見比中國產者特小僅如細黑豆 異產有番
薯在處皆有之犁種沙土中蔓生蔽野人以爲糧功
並粒食家種芭蕉數十本縷絲織爲蕉布男女冬夏
皆衣之利匹蠶桑明冊使蕭崇業夏子陽舊錄云土
不植棉地不宜茶今亦間有之但不甚繁植云

蔬有白菜芥菜菠菜蘿蔔香菜絲瓜冬瓜茄子刀豆
蠶豆芋葱蒜韭薑胡椒薤芹薺蕨瓠菱茭苘菜苘蒿
香菰紫菜松木耳石花菜 異產有海帶菜女茛辣
蕎茯苓菜薺菜又有松露土音稱爲蓄蘿九十月

生大松樹下土中實圓白色菌類味鮮美產具志頭

者尤良灰色者生牛糞中不可食

海菜有海帶一名昆布又有紅菜類

石花菜而少匾出海灘中又有雞脚菜麒麟菜

木有松栢檜杉榕樟梔柳槐棕櫚黃楊梧桐甚少異產有櫟木等

櫟木

一名羅漢杉葉短厚三稜與中國羅漢松同木

理堅膩國中造屋樑柱皆用之諸島皆有出奇界者尤良

福木

葉如冬青特大對節生長二寸許如腰子形厚

而光澤一名常盤木樹直上長丈餘四時不凋葉可
染綠色開小黃花結實如橘可食又有一木土名呀
喇菩葉皆似福木亦對節生白花似梅十一二月實
俱號君子樹葉紋對縷如織中邊映日通明作金黃色舊傳闕鏤樹葉如橘當卽此也

鐵樹卽鳳尾蕉一名海欒櫚身蕉葉葉勁挺對出襍
裊如鳳尾映日中心一線虛明無影四時不凋處處
植之

烏木葉如桂直上外與常木不異中心木質黑色然
亦有白理者又有紅木

油樹葉似橘實如橘大不可食用以榨油又有福滿木樹高數尺葉似木槿差小花如橘子累累紅色可食又有樹葉似冬青高丈餘花如棗子累累生如中國女貞子甘酸可食亦可染物作青蓮色名山米又名野麻姑當卽青精也

古巴梯斯樹高二三丈餘葉大如柿葉花五桠八九月實如青果而少匾味香甜閩中有之名戊土

右納樹高三四丈餘葉似白桐夏季開花如中國秋葵黃瓣檀心

地分木高五六丈葉如穀樹小白花叢生冬月開有毒可藥魚

月橘樹高丈餘細葉如棗五六月開小白花甚芬烈名十里香結實如天竺子稍大二月中紅累累滿樹梯姑樹高七八丈大者合數圍葉大如柿每葉抽作品字形對節生四月初花朱紅色長尺二二寸每幹直抽攢花數十朶花葉如紫木筆吐燄高麗種出太平山

悉達慈姑樹高丈許葉類桃子如葡萄穗累累深藍

色名慈姑奶不可食

花有梅桃杏桂木蘭木蓮水芙蓉紅櫻雪毬山茶安

石榴杜鵑

杜鵑十月開花至三月止花絕大四倍於中國所產者

佛桑

千葉者有大紅

及淺紅二色單葉者惟大紅一種中心葉高出花瓣外一寸許如燭承盤狀故一名照殿紅四時皆花六

月爲

山丹

比中國特大有成樹長丈餘者紅花四出數十朵攢生如火有千葉者重臺甚艷五

雅統注云山丹扶桑同出日本始入中國

蘭四時皆開

菊茉莉海棠長春水仙

十月

剪秋羅月季薔薇千日紅銀臺金盞

卽水仙

杜若

菖蒲百合葵雞冠萱石竹仙人掌雁來紅藤異產

有名護蘭等

名山護蘭葉短而厚與桂葉同大僅如指三四月開花
與蘭無異一箭八九朶攢開香清越勝蘭出名護嶽
巖石間不假水土或寄樹樞上或以棕皮裹懸之又
有風蘭葉比蘭較長香如山柰茴香茂竹爲盆懸挂
風前極易蕃衍俗皆尚蘭號爲孔子花

栗蘭一名芷蘭葉如鳳尾花如珍珠蘭又有松蘭竹

蘭棒蘭

狀如珊瑚樹綠色無葉
花從樞間出似蘭較小

野牡丹土名苻花葉與牡丹無異二三月花開作叢
累累如鈴鐸素瓣紫暈檀心如碗大極芳烈其葉嚼

之以爲口香種出大平山又有野海棠仙人竿帚桃

野蘭

卽中國青蘘

文萱花一名歡冬花花如萱花特小葉有青白相間紋

山蘓花一名猿筵花無花無幹出土長不及尺葉如蕉而小堅厚有紋

雷山花土名吉茄葉如鐵梗海棠花如牽牛花差小鴉翠色四五月開至十一月結子如豆苞如榴房藏子數十粒可種

吉姑羅一名火鳳人家牆上多植之以辟火幹似霸

王鞭草葉似慎火草花似黃菊亦有紅者名福祿木

果有藕蔗西瓜青瓜木瓜橘數品香橙金柑佛手荔枝

龍眼葡萄櫻桃楊梅覆盆子形如楊梅栗柿核桃枇杷梅

小如龍眼異產有蕉實等

蕉實芭蕉所結實名甘露花紫紅色大如瓢日開一

瓣結寔如手五六指並垂採久之膚理似藕之最嫩

者可蒸食之如薯而甘

阿坦呢葉長旁有刺久成林連蔓堅利可爲藩牆葉

可造蓆根可造索開花者爲男木花白若蓮瓣合尖
左右迸疊十餘朶直上五桠葉露如杖長數寸芳烈
如橘花女木無花結實大如瓜膚紋起釘皆六稜可
食云卽波羅蜜別種粵東亦有之名鳳梨

榘子一名芝子如橡栗而小山中處處有之一名椎
子

竹有苦竹猫竹虎斑竹鳳竹竿竹箒竹烏竹大竿竹
矢竹笏竹異產有觀音竹

觀音竹着地叢生葉長尺許寬三四寸紫色

獸有牛馬羊豕犬猫鹿猿山豬無虎兔獐

明一統志言其土產

有熊羆豺狼
今考皆無之

畜有雞鴨鵝異畜有太和雞比常雞特小短足長尾
種出七島

禽有雀鳥鴿鷺鷥鴟鴞班鳩綠鳩十二月來野鳩鶉鳩俗呼

神鳥田鳥雉鵲鴿杜鵑鴛鴦燕七月來不巢人屋鷹九

月中東北風從外島飄來雁偶有之不恒至鶴或一
有亦希見之異鳥有古哈魯等

古哈魯金黃毛羽長觜短尾四月鳴

麻石翅羽綠色白眉九月來又伊石求子似麻石

烏鳳一名王母鳥四月來

恨煞毛羽似鷹而差小八月來

容葢翅灰褐色黑頭八月來

石求讀毛羽似雀十月來春乃鳴

莫讀史綠毛十月來

蟲有鼠蝙蝠蝎虎能作聲如雀冬夏皆然蜥蜴生水

池中紅腹背有金光又有四脚小青蛇常見之國中

蛇最毒九月中每出傷人人立斃

前使錄云其蛇不傷人未然蚊

蠅皆冬生蟻與中國同但腹亮如晶斃之有點水

鱗族有鮫鯉鮒鰻鰵蝦金魚銀縷魚異產有毛魚針
魚燕魚等其綠色紅色綠鱗紅章五彩相閒或圓或
長者不可勝數土人就其色其形呼之皆無名海魚
生切片夜中黑處視之皆明透有綠火光色如熱河
夜光木

毛魚細小外視似腐咀嚼有味閩人皆重之爲珍品
七月朔前後五日八月朔前後五日於海中排陣出
他月則否

針魚頭戴針形亦名鱖

靴魚頭長如靴

燕魚如燕有翼能飛古名鯉俗呼飛魚

介族有龜鼈鼈異者有玳瑁等

玳瑁甲如龜鼈首尾形少尖頭帶淡紅色

海馬馬首魚身無鱗肉如豕頗難得得者先以進王

石鮓首圓下生四尾屈曲土人皆以入饌

蟬肉最佳味如蟹而大性溫蟹大小種族各異有小

蟹五色兩螯左大右小小以取食大以外禦惟大螯

朱紅色名日照火小蟹居螺殼中名寄生

海膽背生刺如蝟蠕蠕能運徐行味如蝦蟇

螺族尤異五色璀璨形狀詭出蟬螯大如盤國人以爲益爲戶樞爲釜皆是異者有壁虎魚等

壁虎魚螺殼上生五六爪形如壁虎名壁虎魚

梳螺殼尖出如梳生刺滿之名梳魚

貝有數種一種外白色內朱紺色一種玳瑁斑內紫白色

龍頭蝦名鱧大者一二尺形絕似龍時以供饌蛤蚧之族不可勝紀

佳蕪魚削黑鰻魚肉乾之爲腊長五六寸梭形出久高者良食法以溫水洗一過包芭蕉葉中入火畧煨再洗淨以利刃切之三四切皆勿令斷第五六七始斷每一片形如蘭花漬以清醬更可口

海松

海松生海水中大者二三尺根蟠海底石上久之與石爲一矣國人亦名曰礧松似言松本木類附生石上如義甲義髻之義此字甚切按字書礧石貌別是一意其枝葉纖細與側栢無少異鮮燄如火疑以栢

枝葉成朱色有腥氣不可近翫其根本色輪囷屈曲如老樹根以刀刻之拒不可久儼然石也生馬齒山者較他處尤良紅色不卽褪落又有一種無枝葉峯石殷紅上作蜂窠細眼攢蹙徧滿如雞冠花頭皆生海底惟馬齒山漁人能泅水深沒取之中山漁戶能入水者亦不能及也

石芝

石芝生沿海海底石罅中天使館西北海上有小石山名石筍崖土人亦稱爲波上此崖之下石芝所聚

前使舊錄云有根有葉大者如盆小者如盎其他如
菌如菊如荷葉者不可勝數靈壁羊肚俱不足道亦
惟馬齒山人能深沒取之鹽水久漬而成腥氣尤不
可近出水久之腥氣漸退然脆折亦難致遠故不貴
重云

凡石大小皆極嵌空大者如樓如屋玲瓏明透古藤
縈結葱鬱卽拳石亦有奇致山崖海邊遍地多有但
質甚鬆利易脆折惟磨刀石甚堅而膩以爲礪勝中
國者故世以充貢

[illegible]

字母

草 眞 フ 川 卽如讀律 草 眞	草 眞 新 以 生如讀和 草 眞	草 眞 上 ト 都如讀登 草 眞	草 眞 ハ イ 依如讀人 草 眞
草 眞 祿 子 你眞	草 眞 加 力 喀如讀加 草 眞	草 眞 去 千 痴如讀知 草 眞	草 眞 ろ 口 魯如讀類 草 眞
草 眞 奈 十 那如讀奈 草 眞	草 眞 と ヨ 天如讀有 草 眞	草 眞 わ 川 利如讀里 草 眞	草 眞 は ハ 花如讀波 草 眞
草 眞 ら う 刺如讀羅 草 眞	草 眞 た タ 達如讀太 草 眞	草 眞 ぬ 又 奴眞	草 眞 に ニ 義如讀仁 草 眞
草 眞 む ム 某如讀無 草 眞	草 眞 れ 乙 力如讀礼 草 眞	草 眞 る ル 祿如讀留 草 眞	草 眞 ほ 木 夫如讀保 草 眞
草 眞 ラ ウ 務如讀宇	草 眞 ろ リ 蕪如讀卒	草 眞 を ヲ 烏如讀遠	草 眞 ろ へ 揮如讀飛

草 眞 井

依如讀而眞

刀

奴如讀乃眞

才

鳥如讀於眞

しク

姑如讀可眞

也

耶如讀也眞

未

馬如讀未

草 眞 け

其如讀計眞

ふ

夫如讀不眞

二

庫如讀科眞

江

而如讀江眞

丁

梯如讀天眞

あ

牙如讀交

草 眞 井

沙如讀世眞

き

基如讀其眞

由

天如讀由眞

め

毒如讀女眞

升

米如讀弁眞

に

志如讀之

草 眞 卫

意如讀忌眞

以

基如讀北眞

毛

草 眞

世

世眞

す

使如讀大眞

二

馬

琉球字母四十有七名伊魯花自舜天爲王時始制
或云卽日本字母或云中國人就省筆易曉者教之
爲切音色記本非字也古今字繁而音簡今中國切
音字母舊有三十六後漸簡爲二十八自喉齶齒唇
張翕輕重疾徐清濁之間隨舉一韻皆有二十八母
天下古今有字無字之音包括盡矣今實畧彷彿此意
有一字可作二三字讀者有三三字可作一字讀者
或借以反切或取以連書如春色二字琉人呼春爲
花魯二音則合書八口二字卽爲春字也色爲伊魯

二音則合書イロ二字卽爲色字也若有音無字則合書二字反切行之如村名泊與泊舟之泊並讀作土馬伊則一字三音矣村名喜屋武讀作腔字則又三字一音矣國語多類此國人語言亦多以五六字讀作一二字者甚多得中國書多用鈎挑旁記逐句倒讀實字居上虛字倒下逆讀語言亦然本國文移中亦叅用中國一二字上下皆國字也四十七字之末有一字作二點音媽此另是一字以聯屬諸音爲記者共四十八字云

元陶宗儀云琉球國職貢中華所上表用木爲簡高八寸許厚三分濶五分飾以髹釵以錫貫以革而橫行刻字於其上其字體科斗書又云日本國中自有國字字母四十有七能通識之便可解其音義其聯輳成字處髣髴蒙古字法以彼中字體寫中國詩文雖不可讀而筆勢縱橫龍蛇飛動儼有顛素之遺今琉球國表疏文皆用中國書陶所云橫行刻字科斗書或其未通中國以前字體如此今不可考但今琉球國字母亦四十有七其以國書寫中國詩文筆勢

果與顛素無異蓋其國僧皆游學日本歸教其本國子弟習書汪錄所云皆草書無隸字今見果然其爲日本國書無疑也

琉語

臣按前明嘉靖中冊使陳侃記云稱有夷語夷字
附錄卷末所傳鈔本闕而未見萬曆中冊使夏子
陽給諫使錄刻有琉語

本朝張學禮冊使亦畧載雜記中今就其本少加訂正
對音參差輕重清濁之間終不能無訛也

天文

天

町

日

飛

月

子

星

夫

風

喀

買

雨

阿

雷

喀

叻

雲

枯

雪

又

電

賀

霜

什

下雨

阿

梅

下雪

又

急

霧

氣

露

禿

霞

泥

噶

喀

雹

科立明日阿起風的喀買福天陰町奴姑天晴町的奴法後

日的阿煞大後日加郁

地理

地池土足池江密乃河哇海烏山呀麻間字亦水子閔水

谷亦路之岸倭石是一井依喀泥羅沙是灰活各磚呀

一瓦喀哇遠土煞近土古長煞夾短陰夾前乜媽後什

的左分搭右名急上威下昔東窟西尼南灰北屋金

府間村冊

時令

春羅哈夏之約秋阿冬灰冷晦熱阿子寒辟角暑奴羅陰

的姑木陽的法力晝羅夜喃朝阿噶晚有煞時吐氣亦年

多節些谷正月夏括二月賦括三月三括四月式括

五月吾括六月六姑七月失之八月膳之九月空括

十月躅括十一月躅一之十二月躅賦初一之搭初

二福子初三之搭之初四之搭之初五之搭之初六

之搭之初七之搭之初八之搭之初九之搭之初十

之搭之十一之一子十二之泥十三之三十四之喃

十五坐古十六坐六古十七坐十七十八坐膳之十

九坐苦苦二十介二十一賭子二十二賭子介

十三膩祖三二十四膩祖二十五膩祖二十六膩祖

六姑泥子二十七膩祖二十八膩祖二十九膩祖

三十泥子

花木

茶札花那葉那枝又樹那果吾松子栢賀竹托笋

打那棗多木雞草谷梅花蓮花龍眼木頭梅

梅拿杉木榆木烏木桃莫杏莫柳現

芭蕉拉石榴花藕公扶桑花榕埋梧桐

谷多桂雞冠雞茉莉木一鳳尾蕉靴底荔枝市甘蔗

翁胡椒窟蘇木司哇

鳥獸

龍達虎土鹿呵馬馬獅施牛兀兔兀煞熊谷象

雞推鵝鳥孤猪呀媽狗因皮哇鼠聶驚打荅羊皮蛇

密猴煞龜喀雀由門鳳凰呼麒麟鄰孔雀枯雀獬豸

宅仙鶴司象牙喳冷玳瑁喀也牛角兀失喜鵲孔加

鶴頂拖立奴

宮室

宮迷屋耶門濁戶耶獨窓馬牆拍垣全亭堤園膩塔

乞齋乞書又瓦房喀喇亦

器用

弓夏箭一担桶格木杓波脚踏棉波着棹浴桶搭

里椅子倭里風爐魯牙刷番咿脚番箕失戩子依法介

天平馬刀着刀鞘絲古轎子夾介木套阿書傘夾

竹片兀床閑札燈禿面桶他古又鍋那鍋蓋福瓦確

之瓢彌掃帚火船胡筭盤山姆油盞雖之木梳沙八

甕客爭斧頭霞湯盆他阿竹籠古衣筋賣生又鎖

柴心又沙 烟筒啓荷包荷茶鐘茶飯碗麥介銅確約

四內古 燂簽式執圍棋古香爐科箱子科阿哥面盆汗盤里

他喇 匣哥水注閨子鏡子客敢酒壺虧燭簽亂思短

簪喀你長簪彌酒盃失六象棋冲盛噶塢甲幼羅衣弦

子鎗牙盆大瓶匹胡船泥桅花舵看櫓羅蓬賀帶文

書什麼畫夷夷字阿三筆夫墨細紙瞎硯思子扇子

吉屏風飄花瓶拋香盒福倭扇枉玉帶衣石乞金

杯孔加泥圍棋右

人物

皇帝倭的國王哭泥王妃倭男王子倭奴朝廷倭

奴大夫福大長史丈史使者使臣通事通資正使申司副使司付大

老爺阿几老爺安大臣沈鳴女壻母姑祖五虎孫子馬

鳴父會几子括女兒會南姑括大五小枯弟婦妻美

拖夫戸多兄弟屋兄洗獨朋友需呀我吃妓俗母會南姑

男會几女會南了頭土僕濃親戚街公子三波客人

客主人堤唐人叨濃姊洗之妹屋多貧平素富喂既

和尚巴醫生一伯洗之叔屋多姑娘喂爹靴羅娘柯

買阿姪威小孩子至拉丈人色師父失農琉球人急倭

拿必 日本人 亞馬吐 朝貢使臣 噶得那 琉球國王 倭

那 拿敖

人事

作揖 及洗浴 阿美 上人洗面 烏木的 下人洗面 思答

來 拳頭打 烘蹄子 打鳥脫衣 輕化殺枯必 大醉威睡 帝

上人吃 三衣米 疼的呀痛 阿格 洗東西 的阿約 採花 拾奴

行路 阿等待 末病的牙生 一吉 死失傷風 哈那興 屋起

走 迫姑行 亞立 好優答 不好 煞買 的科賣 屋打更 柯北

言語 麼奴喀 上緊走 排姑上御路 惡牙密 夢梅 瘦的

肥的滑再叩頭麻達略入朝大立葉鞠躬曲尸底頭

喀爾自之立住歪止叩頭自之謝恩溫卜朝貢密加平

身度漫慶賀密由表章烏賞賜吾加一起來揭進貢

喀得思吾進表傑的報名包辭朝畏之回去閑都早

起速都下程司眉筵宴札半勅書倭眉曉得識達

不曉得籃失聖旨由奴御前謝恩惡牙溫且慢走的慢

拿來姑一放下由六給賞烏鵲方物木那多少亦

熟請來子失

身體

髮

喀拉子又

頭

子他喇

眉

由賣

眼

美耳

你

米鼻

豁

舌失口

齒

夸

鬚

非

手

蹄

脚

爆

身

韃

心

氣

麼

頭

頸

科

胸

尼

奶

齊

牙

諾額

失脚

臍

哭

指頭

威

彼臂

非

腿

膜

衣服

衣裳

衾

帽

熬

衣服

密子

滿

吉

褲子

哈加

帶

烏

几又皮

被

烏

帳子

喀

氊

單

心

枕

媽

褥子

福

哈笠

由

纓

毛

靴

阿

鞋

煞

汗

衫

阿

米

衣

百索

紬

亦

緞

動

紗

撒

羅

羅

絹

活

布

帽

紗

網

巾

圓

領

員

裙

喀

甲

飲食

飯班酒九煙塔八油阿叻醬沙醬油沙米可鹽麻豆

腐托茶札肉失菜綏索麵錯菜瓜喂蒜非西瓜貽冬

瓜失布生薑那沒介黑豆枯羅馬蕉寔巴煞那番薯番子豆

牙菜馬米餅木芋羹坤菓刻納由粉諾魚一蝦必

蛤蜊克螺阿古蟹夾煞碑渠阿札海獅子菩

珍寶

金枯軋銀喀錢一銅阿里鐵窟碌錫右碌鈔支玉依

珠捷石瑪瑙吾馬那珊瑚牙馬那水晶血子玉石

捷馬 琥珀 犀角 吾失 硫黃 油

數目

一抵子二打三子七四子天五子一子六子姆七子納納八子呀九過

碌子十拖十一子拖抵二十膩祖三十慘祖四十細祖五

十祖古六十祖六古七十錫汁八十何汁九十祖苦一百古夏

千先一千貫萬漫兩聊茶錢層分風一半那納加一樣

一奴輕喀羅重嘔卜多煞屋火少一革拉煞長那夾短

陰夾潤煞非羅狹一伯中之上威下昔滿密抵子淺阿煞

里利一錢買每止二錢尼買三錢山買四錢申買五錢

每買六錢買六姑七錢買式之八錢買法之九錢每姑買一兩

執買十兩每撒姑一百兩每撒姑一萬個吐麻孰千歲那萬

萬歲吐麻由失

通用

甜的阿媽酸的關夾辣的喀喇鹹的什布淡的阿法

黃綺紅阿夾青啞白稀羅念書西米那看妙聽得介

楞不聽得乞介有美阿無你臭哭煞求計里答毛說話麼

喀達知道識不知道子失藍不敢撒揚密東西加尼閒圖謾

里押說謊由沽實話馬訟不見迷快活括辛苦南及笑

的瓦喇啼其那的院癡課明早起身阿着速圖拋球馬捉

七子一深下碁古烏唱歌屋

琉球土人居下鄉者不自稱琉球國自呼其地曰屋其惹蓋其舊土名也

中山傳信錄卷第六

中山傳信錄後序

自古聲教四訖未有如我

國朝之盛而遠奉簡書採風異域亦未有如徐太史之慎以周者也余獲附星槎抵中山遍探較俗見聞殊異蓋其國禁素嚴事無鉅細皆禁不語客自
有明通貢三百餘年嘉靖以後奉使者人人有錄而皆不免于略且誤者職是故也副使徐太史奉冊命于康熙己亥六月朔至其國明年二月始還在彼八閱月使事之暇孜孜採訪凡其貴官士庶求書

問字謁請者概與延接尋繹舊聞質疑削妄又致
命語國王求其山川圖籍于是其屬三十六島之名
與其國三省轄屬之制今始大顯置茶聚米繪以
為圖太史日居小樓手自題署因并海舟針路封
宴禮儀世系官制冠服風俗物產之詳一一備其
形狀右圖左錄凡二十餘目分為上下兩冊縑裝
錦裹以為使歸之獻庚子秋七月十一日至熱河
行宮復

命既陳

乙覽藏之秘府矣茲以副墨排纂分為六卷而少加詳
焉命曰中山傳信錄今年秋鋟板始成余遊京師
適與校讐之末獲觀其全先後銓次不支不漏有
典有則以云傳信誠哉其無媿斯目已余隨封逾
年太史採風幸附摻討今三省五嶽太史圖錄已
標其大以余所聞又有四森焉森猶云府也其地
有名山森森然如首里有辨嶽龜山泊府則有天
久久米有雲巒那霸有辻山此四府皆王公冠蓋
里居故得稱為森其他民廬聚落但稱間切而已

中山世鑑世系備矣竊聞天孫氏開闢此土如中國之盤古氏二十五傳至舜天當南宋時誅逆臣定國三傳至義本求賢于野而禪以位如中國之堯舜尚巴志雄武能一其國尚圓崛起北山臣庶推戴如中國之湯武尚圓第宣威既立六月能掖植幼主而退居臣位謚為義忠如中國之伊周此國中故老所傳可補史贊太史載筆謹嚴先其大者余竊掇拾之以附于次又聞國中有三國志載中山山南山北王時事甚悉而未見其書則闕以

俟考皆太史志也至其採訪之勤蒙也不才屢獲
遊從披殘碑于荒艸問故壘于空山涉海探竒停
驂吮墨詳慎苦心實所親見故忘其固陋為志數
言于後以見採風之使誠未有如茲役者日出海
隅彬彬文物昔之稱斯邦者云何今之稱斯邦者
云何覽是編者于

聖朝風教之遠不已略見其一斑矣乎康熙六十年辛
丑秋八月海槎從客建安翁長祚謹述於京師之

梁氏園

中山贈送詩文

中山王
尚敬

只飲山頭一勺泉
靈槎攀挽易經年
乍瞻玉冊臨荒島
又送雲檣入遠天
水驛還鄉旌節麗
台階耀色使星連
八分墨彩留屏幃
展對如親絳闕仙

太史八分書孝經
一通作屏幃見贈
國相尚祐佐菴

君子歸兮其澤維遺
其澤維何卹我實多
草木無心風來必偃
君之高風如蘭九畹
海天萬里重晤難求
旌麾靡駐恩德維留

元輔儲德指日以陞海東有衆永歌令名

王弟尚徹

鳳凰於飛越海東翹翹其羽鳴雝雝八月來集佳楚峰
去我歸兮乘長風乘長風兮不可止天隔一方兮從茲
始鹿毛筆兮繭紙書我情以贈遠兮聊爾爾我邦之思
君子兮如海之塵底繫予小子之有心兮亦何能以已
已

凌霄亭飲別

國丈毛邦秀 峻山

屋後凌霄亭岿出雲表空岩滴松雨仄磴隱叢篠貴

客健登陟來遊破清曉入門不就坐振衣躡縹緲螺鎗
煮广側酒瓠挂林杪啜手橘初熟香盤楮新炒殊方樂
雖異絲管亦杳眇願言盡此觴起舞忽忘老

末吉山卽事送別

法司
向聖賡元公

離筵傾別酒隊舞彩衣童載榼山亭上吹簫松徑中舉
杯邀落日欲別起悲風此後龜山勝登臨孰與同

辨嶽餞別

法司
翁自道誠齋

追遊辨嶽下陟巘一鳴珂勝地山當海豪情酒滿螺深
情難盡譯離緒且高歌此會人生少臨岐白髮多

紫金大夫 程順則 寵文

春風回暖送君旋一點雲飄入遠煙萬里簡書歸闕下
半江彩鷁到門前張騫槎自天邊轉蘇軾文從海外傳
莫道歸裝無長物盡收景物入詩篇

紫金大夫 阮維新 天受

病卧經年欲退耕喜逢大典結朝纓風儀方仰天家使
姓字偏知太學生枯樹逢春榮有色征帆催客去無情
橋門石鼓摩娑遍舊識煩君一致聲

紫金大夫 王可法

前朝巨榜已無存
椽筆重書天澤門
扶杖來觀還舊蹟

摩娑老眼見朝曦

天使館儀門上前朝萬曆中冊使夏給諫子陽書天澤門三字久失去徐

太史重書
頓還舊觀

紫金大夫

蔡

溫

文若

頒封來漢使
鮫窟觀天麟
陟海魚龍靜
乘風羽蓋新
威

儀將國典廉
節撫夷民
莫謂中山僻
歌聲達紫宸

旌麾辭北闕
驛路到江鄉
麟服榮家慶
龍章冊國王
人

門瞻上國風
采播殊方豫
筭還朝日
萱庭花正芳

紫巾官

向嗣保

迎風海浪大於島目送浮槎萬里旋船峭九帆鵬翼展
天垂四面笠形圓壯觀一任仙才賦小國還憑史筆傳
傳信至君方有錄好從貢舶惠新編

耳目官

毛弘健

元疆

海水東流人不住振玉佩還朝去鯨波一碧浮槎沂自
有水仙神護倚閭日望臨江樹一隻蘭船輕渡王程
兩載從頭數已盡天邊路

調寄望江東

察侍紀官

向鳳彩

瑞菴

太史聲名重帝京一行華彩滿東瀛新詞獨出標天秀

異域爭傳學鳳鳴

呈詩卷就正太史

申口官
何文聲美庵

詩卷雖存天地間
不曾一字落塵寰
三千餘年法從古
八十一家文盡刪
魚目驪珠恐相混
班香宋艷誰同攀
一緘投寄莫嫌遠
使者聲名到北山
文聲病退
久隱北山
從天使幕從客陳
君學琴成聲報謝

那霸官
毛光弼

古樂入天末
七絃轉南薰
廣陵遺調在
拂軫一思君

正議大夫
蔡文溥天章

聖朝錫節航溟海萬里鮫宮紫氣臨五色雲霞 天子
詔一江秋水使臣心東藩向化忠忱篤 北闕頒封雨
露深共賦皇華勲業盛 九重復 命沐 恩霖
特簡名流使異方啣書丹鳳出仙鄉風雲萬里馳星節
龍虎雙符壯海疆 聖代頒封唐典禮鮫人被服漢冠
裳殊邦未拜日邊客舉國先傳姓字香

靈槎向日至扶桑萬里鯨波靜不揚星節已辭丹鳳闕
麟袍猶帶御爐香看山好處留題遍醉月圓時惜夜長
當代人文誰第一中山爭說探花郎

種蕉使院

正議大夫

陳其湘

楚水

種蕉使院偏暑月弄清快朝樹夕蔭成涼飈倏如灑赫
赫扶桑隅化作清凉界

采石芝呈徐太史

正議大夫

蔡肇功

紹齋

碧海靈芝秀粼粼見底清采爲君子壽光映使星明

城嶽松下集字卽席賦呈

長史

阮

瓚

贊玉

消暑古松下琴書草際橫奇思編碎錦集字總天成

燕集金福山下賦送

長史

梁得宗

文在

相從古松下高高金福山仰止在咫尺身親霄漢間清

言見今古勝概出塵寰使事無淹役靈查那可攀

使館堂前徐天使植榕四株紀事

都通事

紅士顯

天家雨露灑扶桑嘉樹移栽敷命堂十畝清陰勤護惜
使臣手植是甘棠

徐太史見訪報謝四章

仙江阮衲

宗實

際外

天落珠璣古院傳聲名藉甚玉堂仙頒封再見中朝使
不識春秋復幾年

康熙二十二年癸亥天使汪林兩公
至國皆有贈句時僧臘三十有三至

今三十
六年矣

彩鷁飛來那霸津
首蒙垂問媿高真
新詩莫怪酬君晚
病卧山雲一老身

一庭苔蘚滿林榛
獨喜蒲團隔世人
自古隱棲閒是寶
任他門外起車塵

三生石上覺前因
嘗見汪林一笑新
今日使星臨海島
又開禪戶待仙人

又送一首

前人

遠泛仙槎破浪行
地分南北隔鵬程
一天不礙華夷月

萬里雲中眼共明

名護嶽萬松院衲

元

仁

東峯

蒙惠山僧金玉篇瑤箋宛若降於天
胸羅二酉才偏富
筆掃千章語倍鮮
廉節流恩涵海岳
高文寫物遍山川
焚香捧讀清人骨
好作空門世寶傳

又送一首

前人

啣書彩鳳下天邊
翰苑先聲海國傳
枉駕空山尋北衲
挑燈秋夜話東禪
爭傳史筆推班固
競說才名似馬遷
冊禮欣成廻絳闕
思君幾度對瑤篇

徐太史題拙詩後見贈報謝

芝山衲
蘭田

衣裡珠光恨未含
濫裁貝葉滿空龕
三千舌底瀾翻偈
何似禪心在碧潭

石虎山衲
智津
梁天

殊方異語盡知君
太史聲名獨出群
彩筆如椽搖碧海
驅來盡化墨池雲

奧山衲
心海

此日無涯喜從天
降德音筆花生
覺樹慧業契禪心
松

老開山久林幽客坐深平添奧山勝留供白雲潄

送菊使院

天界寺衲
廓潭

島荒秋有色寺冷只黃花莫歎東籬遠攜來就客槎

興禪寺衲
了道

山院淒清落葉時殷勤話舊及先師百年古寺增光彩
永鎮禪林天使詩

天王寺衲
得髓

皇華貴客謫仙才騶從無聲小隊來躑躅空庭無一語
瘦梅根畔踏蒼苔

天王寺昔有老僧瘦梅能詩
天使來訪遺蹟徘徊久之

徐太史過訪屢問先師不羈詩卷賦謝

蓮花院衲
德叟

古衲遺文已莫尋
頻煩枉問見情深
空庭剩有蒼髯叟
偃屈難酬天上吟

題徐太史菊影詩卷後

櫻島衲
不石

檀槽隔院喧滿地
霜華冷仙客獨含毫
寒燈對孤影